



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

თოქმაზიშვილი მიხეილ დავითის ძე

თოქმაზიშვილი მიხეილ დავითის ძე (დ. 25. III. 1955, თბილისი), ეკონომისტი. ეკონ. მეცნ. დოქტორი (1995), პროფესორი (2010). 1977 დაამთავრა თსუ-ის ეკონ. ფაკ-ტი. 1981-98 იყო საქართვე. მეცნ. აკად. ეკონომიკის ინ-ტის უფრ. მეცნ. თანამშრომელი, განყ-ბის გამგე; 1999-2005 - ს.-ს. ორბელიანის სახ. თბილისის სახელმწ. პედ. უნ-ტის ეკონ. და მენეჯმენტის კათედრის პროფესორი; 1998-2005 - საქართვე. პარლამენტის საბიუჯეტო ოფისის მაკროეკონომიკის განყ-ბის ხელმძღვანელი, 2005-12 - საქართვე. ეროვნ. ბანკის საბჭოს წევრი, სახელმწ. შესყიდვების სააგენტოს სამეთვალყურეო საბჭოს თავ-რე (2000). მუშაობდა პოლონეთის საერთაშ. სოც.-ეკონ. კვლევების ცენტრში - ჩასე-ის საქართვე. ფილიალში (2000-10), მსოფლიო ბანკის პროგრამის ხელმძღვანელად საქართველოში (1996-99). 2010-იდან საქართვე. საპატრიარქოს წმ. ანდრია პირველწოდებულის სახ. ქართული უნ-ტის ეკონ. და ბიზნესის ფაკ-ტის პროფესორია, 2014-იდან - თსუ-ის ეკონ. და ბიზნესის ადმინისტრირების ფაკ-ტის ასოცირებული პროფესორი, 2016-იდან - ქართ. ენციკლოპედიის ეკონ. სამეცნ. საბჭოს წევრი.

თ. არის მრავალი საერთაშ. პროექტის თანაავტორი, რ-ებიც ხორციელდებოდა ევროკავშირის, გაეროსა და მსოფლიო ბანკის ეგიდით. სამეცნ. შრომები აქვს ბიზნესის მართვის, ეკონ. პოლიტიკის, საქართვე. ეკონომიკის, მაკროეკონომიკის, საერთაშ. ეკონომიკის, ფინანსებისა და სოც. რეფორმების სფეროებში, რ-ებიც გამოქვეყნებულია საქართველოსა და საზღვარგარეთის მრავალ ქვეყანაში.

თბზ.: შემოსავლების განაწილების თეორია: ისტორია და მეთოდოლოგია, თბ., 1995; პოსტკომუნისტური ფინანსური პოლიტიკა, თბ., 2008; Challenges of the Post-Communist Financial-Currency Policy, N.-Y., 2009 (თანაავტ. a. silagaZe); Aid for Trade Needs Assesment - Georgia, UNDP, Finland, 2011.
